



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-049-6/23**
Datum: **07.04.2023. godine**

„Agencija za vodno područje rijeke Save” Sarajevo rješavajući po zahtjevu Investitora „DIDOVIĆ” d.o.o. Bosanski Petrovac za donošenje rješenja o vodnoj dozvoli za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-dolomitaa, izgrađenog u naselju Šekovići, općina Bosanski Petrovac na osnovu člana 139. stav (1) tačka 3. i 10. Zakona o vodama („Službene novine Federacije BiH”, broj 70/06) i člana 200. Zakona o upravnome postupku („Službene novine Federacije BiH”, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „DIDOVIĆ” d.o.o. Bosanski Petrovac za aktivnosti koje mogu imati specifične uticaje na vode za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-dolomitaa, u naselju Šekovići, općina Bosanski Petrovac, definiran prelomnim koordinatama;

X	Y	X
A	5.612.129	4.929.708
B	5.612.113	4.929.671
C	5.612.061	4.929.688
D	5.612.099	4.929.883
F	5.612.178	4.929.911
G	5.612.233	4.929.892
H	5.612.221	4.929.852
I	5.612.204	4.929.788
J	5.612.193	4.929.756
K	5.612.180	4.929.726

U ukupnoj površini od 2,47 ha.

2. Ova vodna dozvola se odnosi isključivo na ispuštanje otpadnih voda sa lokacije definirane tačkom 1. ovog rješenja i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Unsko –Sanskog kantona u skladu sa članom 139. stav 2. tačka 1. i 2. Zakona o vodama („Službene novine Federacije BiH” broj 70/06).
- 3 Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
- 3.1 Da korisnik izgrađenih objekata, strojeva i instalirane opreme koji se koriste za eksploataciju, separaciju, skladištenje i distribuciju dolomita, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
- 3.2 Ukoliko Vlada kantona propiše dodatne (strožije) uvjete za ispuštanjem oborinskih, onečišćenih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.

- 3.3 Da korisnik navedenih objekata za vrijeme trajanja ove dozvole, osigura da se otpadne vode iz kamenoloma u kome se vrši površinska eksploatacija mineralne sirovine -dolomita nesmetano sakupljaju i odvođe do objekata predviđenih za tretman otpadnih voda-sustava taložnika nakon čega će se prečišćena vodom sustavom recirkulacije ponovo koristiti u procesu proizvodnje a istaloženi materijal koristiti kao sirovina za izradu tampona ili u druge svrhe.
- 3.4 Izgraditi objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) i nakon ugradnje iste treba redovno održavati i koristiti na način koji će osigurati njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru.
- 3.5 Čišćenje strojeva vršiti isključivo na betonskoj podlozi s izvedenim sustavom odvodnje prema taložnicima odnosno uređajima za tretman otpadnih voda.
- 3.6 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.7 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.8 Talog iz taložnika se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.9 U cjelokupnom kompleksu kamenoloma koja se koristi za proizvodnju, separaciju kamenog agregata kao i distribuciju, zabranjuje se pretakanje, skladištenje nafte i naftnih derivata u bilo kom obliku i namjeni.
- 3.10 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.11 Da se za sve izgrađene objekte od nadležnih institucija ishodi upotrebna dozvola.
- 4 Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
- 5 U periodu važenja ove dozvole, „DIDOVIĆ“ d.o.o. Bosanski Petrovac je dužan provoditi sve mjere i aktivnosti propisane istom.
- 6 U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
- 7 Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

- 8 Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima i radnom prostoru predmetnog kompleksa objekata obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete
- 9 U periodu važenja ove dozvole, „DIDOVIĆ“ d.o.o. Bosanski Petrovac je dužan je ishoditi upotrebnu dozvolu za predmetni kamenolom.
- 10 Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
- 11 Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
- 12 Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
- 13 Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Investitor, „DIDOVIĆ“ d.o.o. Bosanski Petrovac obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitetu voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-dolomita, izgrađenog u naselju Šekovići, općina Bosanski Petrovac.

Uz zahtjev je dostavljena slijedeća dokumentacija:

- Rješenje o registraciji br. 017-0-Reg-22-000264 od 15.03.2022.god. izdano od općinskog suda u Bihaću.
- Uvjerenje o poreznoj registraciji od 23.12.2002. godine izdato od strane Porezne uprave Unsko-Sanskog Kantona.
- Uvjerenje o upisu u jedinstveni registar obveznika indirektnih poreza br. 04/1-17-1-35-306-18/11 od 13.06.2011.god.
- Upotrebna dozvola br. 06-23-10134-UP-1/2015 od 30.12.2015.god. izdana od Ministarstva privrede Unsko-Sanskog Kantona.
- Glavni projekt prikupljanja, odvodnje i ispuštanja otpadnih voda za kamenolom „ŠEKOVIĆI“ izrađen od poduzeća IBIS d.o.o. Zavidovići , oznake 66-IB-G/14 od 10/2014. (vraćen Investitoru na uviđaju).
- Tehnički elaborat o ispuštanju otpadnih voda izrađen od poduzeća IBIS d.o.o. Zavidovići , oznake 07-IB-TE/14 od 10/2014. (vraćen Investitoru na uviđaju).
- Okolinska dozvola br. 11-23-13725-UP-1/17 od 11.05.2017.god izdana od Federalnog ministarstva okoliša i turizma Unsko-Sanskog Kantona.
- Ugovor o vršenju komunalnih usluga s poduzećem „KOMUNALNO“ d.o.o. Bosanski Petrovac br. 72/2012 od 20.3.2012.
- Uplatnice administrativne takse i
- Uplatnica po zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-049-5/23 od 06.04.2023. na kome je konstatirano sljedeće:

Površinski kop „ŠEKOVIĆI“ nalazi se na jugoistočnom dijelu općine Bosanski Petrovac na udaljenosti oko 7 km od grada definiran prelomnim tačkama danih u točki 1. ovog rješenja u nenaseljenom dijelu općine.

Ukupna površina kamenoloma „ŠEKOVIĆI“ iznosi 2,47 ha sa godišnjom proizvodnjom dolomita između 10.000,00-15.000,00 m³/god. Otkopavanje se vrši stepeničasto strojno bez uporabe minsko eksplozivnih sredstava.

Na kamenolomu se vrši otkopavanje i utovar sa distribucijom do postrojenja za separaciju i proizvodnju betona, istog vlasnika, koja se nalazi u urbanom dijelu općine Bosanski Petrovac i posjeduje važeću Vodnu dozvolu izdanu od AVP Sava.

Za prikupljanje oborinskih, onečišćenih voda izrađena su dva obodna kanala koju vodu usmjeravaju prema betonskom taložniku s ispustom na okolno zemljište koje je u vlasništvu poduzeća „DIDOVIĆ“.

Na područje kamenolom nije doveden vodoopskrbni sustav kao ni električna mreža.

Na području kamenoloma nema uposlenih stalnih radnika tako da nije ni izgrađen sustav odvodnje fekalne i sanitarne kanalizacije već po potrebi radnici dolaze iz kruga na kome se nalazi postrojenje za separaciju i proizvodnju betona tako da se radovi na kamenolomu obavljaju samo prema potrebi tj. u diskontinuitetu što je vidljivo po godišnjoj količini koja se eksploatira.

Na lokalitetu kamenoloma „ŠEKOVIĆI“ ne vrši se pretakanje goriva jer se isto vrši na obližnjoj, komercijalnoj benzinskoj crpki.

Kamenolom nije izgrađen u blizini vodotoka, izvorišta ili u vodozaštitnim zonama.

Za površinski kop dolomita je izrađena projektna dokumentacija koja tretira nastanak, skupljanje i tretman otpadnih voda, Glavni projekt prikupljanja, odvodnje i ispuštanja otpadnih voda za kamenolom „ŠEKOVIĆI“ izrađen od poduzeća IBIS d.o.o. Zavidovići, oznake 66-IB-G/14 od 10/2014..

Na osnovu očitovanja Službe za prikupljanje prihoda od vodnih naknada konstatirano je da podnosilac zahtjeva „DIDOVIĆ“ d.o.o. Bosanski Petrovac, redovno izmiruje svoje obaveze uplate po osnovi posebnih vodnih naknada.

Na osnovu provedenog postupka konstatira se da je podnosilac zahtjeva „DIDOVIĆ“ d.o.o. Bosanski Petrovac, ispunio minimum uvjeta za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode, sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13). Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.grad.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.grad

Dostaviti:

- „DIDOVIĆ“ d.o.o. Bosanski Petrovac, Hamdije Pozderca bb, Bosanski Petrovac.
- AVP Sava, ISV-vodna knjiga
- Org.jed. 40 – arhiva
- Org.jed. 50
- Oglasna ploča AVP Sava